



## Obair le híomhánna Gluaiste

### Leibhéal 1

De ghnáth, ba cheart go léireodh daltaí fianaise go bhfuil siad ábalta:

- Samplaí atá ann cheana féin a chuir an mhúinteoir ar fáil a rochtain agus páirt a ghlacadh i ndíospóireacht faoi threoir an mhúinteora faoi na cineálacha éagsúla de tháirgí íomhá ghluaiste nó beochana. Bunghnéithe sa phacáiste bogearraí maidir le heagarthóireacht scannán nó le beochan a fhiosrú. (Fiosrú)
- Grianghraif dhigiteacha a ghlacadh le cuidiú ón mhúinteoir mar spreagadh do smaointe scéalaíochta digítí, agus amharc orthu ar scáileán. (Cur in iúl)
- A bheith feasach gur féidir leo modhanna digiteacha a úsáid le cumarsáid a dhéanamh. (Malartú)
- Labhairt, faoi threoir an mhúinteora, faoi shamplaí d'íomhá ghluaiste agus/nó beochan atá feicthe acu. (Luacháil)
- Grianghraf digiteach amháin nó níos mó a thaispeáint le cuidiú ón mhúinteoir lena úsáid ar ball le scéal a chur ar chlár. (Taispeáint)

### Leibhéal 2

De ghnáth, ba cheart go léireodh daltaí fianaise go bhfuil siad ábalta:

- Íomhánna as réimse foinsí tugtha a roghnú lena n-úsáid ina gcuid oibre. Amharc, le cuidiú an mhúinteora, ar shamplaí de bheochantí nó d'íomhánna ghluaiste go bhfeice siad an dóigh a bhfuil siad déanta de shraitheog d'íomhánna socra a chruthaíonn cuma na gluaisne nuair a athsheinntear ag an luas cheart iad. (Fiosrú)
- Scéal nó insint bhunúsach a chruthú le cuidiú an mhúinteora. *B'fhéidir go gcuimseodh sé seo roinnt grianghraif dhigiteacha a ghlacadh nó triail a bhaint as réimse d'íomhánna atá curtha ar fáil ag an mhúinteoir lena gcur sa tsraitheog.* (Cur in iúl)
- An dóigh ar féidir leo modhanna éagsúla digiteacha a úsáid le cumarsáid a dhéanamh a shainaithint agus labhairt fúithi. (Malartú)
- Labhairt faoin dóigh lena gcuid oibre a fheabhsú, le leideanna ón mhúinteoir. (Luacháil)
- A gcuid oibre a shábháil agus/nó í a thaispeáint don rang nó don ghrúpa le cuidiú an mhúinteora. (Taispeáint)

### Leibhéal 3

De ghnáth, ba cheart go léireodh daltaí fianaise go bhfuil siad ábalta:

- Taighde a dhéanamh ar tháirgí íomhá ghluaiste nó beochana as réimse d'fhoinsí tugtha agus struchtúir scéil a shainaithint. Triail a bhaint as réimse de ghnéithe atá ar fáil sa phacáiste bogearraí roghnaithe. *B'fhéidir go gcuimseodh sé seo na bogearraí íomhá ghluaiste nó na bogearraí beochana a úsáid le feidhmeanna na n-uirlisí agus na ngnéithe sa phacáiste bogearraí a thriail. Rogha a dhéanamh ar na huirlisí agus na gnéithe a úsáidfidh siad agus iad i mbun a n-íomhá ghluaiste nó a mbeochan féin a dhéanamh.* (Fiosrú)



- Insint a chruthú le cuidiú an mhúinteora. *B'fhéidir go gcuimseodh sé seo taisce íomhánna a chruthú as réimse atá curtha ar fáil nó as a ngrianghraif dhigiteacha nó a bpíosaí scannáin féin, agus iad a úsáid le sraith íomhánna a eagrú i sraitheog. (Cur in iúl)*
- Modh comhaimseartha digiteach a úsáid le cumarsáid a dhéanamh, nó le cur le gníomhaíocht ar líne faoi stiúir. *B'fhéidir go mbeadh ríomhphost a chur nó postáil a dhéanamh ar vicí, ar bhlag nó ar shnáithe plé i gceist leis seo. B'fhéidir go gcuirfí an ríomhphost nó an phostáil chuig múinteoir. (Malartú)*
- Roinnt mionathraithe a dhéanamh lena dtáirge a fheabhsú. *B'fhéidir go gcuimseodh sé seo gné a bheadh níos cuí a úsáid i ngearrthóg ar leith, mar shampla trasdulta a chur isteach. (Luacháil)*
- Comhadainm a úsáid lena dtáirge a shábháil agus/nó é a thaispeáint don rang nó don ghrúpa. (Taispeáint)

## Leibhéal 4

De ghnáth, ba cheart go léireodh daltaí fianaise go bhfuil siad ábalta:

- Sócmhainní a thaighde agus a roghnú ó raon foinsí ar líne le smaointe a fhorbairt agus an dóigh lena gcur i ngníomh. Triail a bhaint as réimse uirlisí agus rialtán le sraitheoga gairide insinte a dhéanamh leis an fhadhb atá leagtha amach i mionteagasc an taisc a réiteach. *B'fhéidir go gcuimseodh sé seo fuaim nó ceol agus maisíochtaí bunúsacha a chur leis. (Fiosrú)*
- Píosa scannáin a phleanáil agus a scannánú le físcéamara digiteach nó le ceamara stadán agus é a iompórtáil isteach go dtí bogearraí eagarthóireachta le táirge íomhá ghluaiste nó beochana a chruthú a léiríonn feasacht ar an spriocghrúpa agus ar an chuspóir atá sainmhínithe i mionteagasc an taisc. *B'fhéidir go gcuimseodh sé seo ceol, guthú nó fuaim ghafa a ullmhú i bhfeidhmchlár cuí eagarthóireacht fuaime lena chur le hinsint ghairid. (Cur in iúl)*
- Ceann amháin nó níos mó de mhodhanna comhaimseartha digiteacha a úsáid le cumarsáid, le malartú agus le comhoibriú a dhéanamh i ngníomhaíochtaí ar líne faoi stiúir. *B'fhéidir go gcuimseodh sé seo ríomhphost a chur agus scéalchlár ceangailte leis nó roinnt postálacha ábhartha a dhéanamh ar vicí, ar bhlag nó ar fhóram díospóireachta. (Malartú)*
- Uirlisí agus gnéithe TFC cuí a úsáid le hobair a fheabhsú. *B'fhéidir go gcuimseodh sé seo triail a bhaint as trasdulta éagsúla agus na feabhsuithe a rinneadh ar an íomhá ghluaiste nó ar an bheochan a thairfead. (Luacháil)*
- An obair íomhá ghluaiste a shábháil i bhfillteán ainmnithe nó i ríomhphunann ranga. (Taispeáint)

## Leibhéal 5

De ghnáth, ba cheart go léireodh daltaí fianaise go bhfuil siad ábalta:

- Taighde a dhéanamh ar shócmhainní ábhartha agus iad a roghnú as réimse foinsí don táirge íomhá ghluaiste nó beochana, agus an spriocghrúpa agus an cuspóir ar intinn. Imscrúdú a dhéanamh ar an fhadhb atá leagtha amach i mionteagasc an taisc agus í a réiteach trí tháirge cuí íomhá ghluaiste nó beochana a roghnú agus réimse uirlisí agus gnéithe in úsáid. (Fiosrú)



- Píosa scannáin a phleanáil, a scannánú agus a chur in eagar ina léirítear feasacht ar luas, rithim agus tempo le táirge íomhá ghluaiste nó beochana a chruthú a léiríonn tuiscint shoiléir ar an spriocghrúpa agus ar an chuspóir atá sainmhínithe i mionteagasc an taisc. *B'fhéidir go gcuimseodh sé seo sócmhainní breise a ullmhú amhail teidil agus fuaim ghafa. (Cur in iúl)*
- Modh comhaimseartha digiteach amháin nó níos mó a úsáid le cumarsáid, malartú agus a gcuid faisnéise agus táirgí ilmheánacha a roinnt ar líne lena bpiaraí. *B'fhéidir go gcuimseodh sé seo bheith ag obair ar líne le táirge íomhá ghluaiste a chruthú, nó plé, díospóireacht agus/nó idirbheartaíocht ar líne a dhéanamh maidir le cé acu gné le cur isteach ina dtáirge. (Malartú)*
- An timhriall 'pleanáil, déanamh agus athbhreithniú' a úsáid lena gcuid oibre a fheabhsú agus aiseolas ar a n-íomhá a iarraidh óna bpiaraí. *B'fhéidir go gcuimseodh sé seo dearadh, dréachtú agus beachtú a dhéanamh ar a mbeochan nó a n-íomhá ghluaiste, ionas go mbeadh sí ábhartha don spriocghrúpa agus don chuspóir atá sainmhínithe i mionteagasc an taisc. (Luacháil)*
- An táirge íomhá ghluaiste nó beochana agus comhaid nó ábhair ar bith bainteacha a eagrú, a stóráil, agus a chothabháil i spás pearsantaithe le sárthaispeántas a dhéanamh den fhoghlaim dhigiteach trasna an churaclaim. (Taispeánt)

## Leibhéal 6

De ghnáth, ba cheart go léireodh daltaí fianaise go bhfuil siad ábalta:

- Taighde a dhéanamh ar shócmhainní ábhartha agus iad a roghnú as réimse foinsí digiteacha lena gcur ina dtáirge íomhá ghluaiste nó beochana, agus an spriocghrúpa agus an cuspóir ar leith a chur san áireamh agus tagairtí a choinneáil nuair is cuí. *Imscrúdú a dhéanamh ar agus triail a bhaint as réimse uirlisí agus gnéithe sna bogearraí eagarthóireachta, agus nuair atá crua-earraí amhail ceamaraí agus micreafóin in úsáid le píosa scannáin a thaifeadadh, ag cur san áireamh an spriocghrúpa agus an cuspóir ar leith atá sainmhínithe i mionteagasc an taisc. (Fiosrú)*
- Riachtanais an úsáideora a shainithint agus táirge íomhá ghluaiste nó beochana a phleanáil, a fhorbairt agus a thástáil a bhfuil réimse gnéithe níos sofaisticiúla i gceist leis agus a bhfuil cosúlacht agus mothú comhleanúnach aige don spriocghrúpa agus don chuspóir atá sainmhínithe i mionteagasc an taisc. *B'fhéidir go gcuimseodh sé seo siút a phleanáil go córasach, clár scéil agus script scannánaíochta a úsáid, píosa scannáin a ghabháil agus a chur in eagar ina léirítear feasacht ar luas, rithim agus tempo agus sócmhainní breise a ullmhú amhail teidil agus fuaim ghafa lena gcur isteach sa táirge deiridh. (Cur in iúl)*
- Réimse modhanna comhaimseartha digiteacha a úsáid le cumarsáid a dhéanamh, lena gcuid faisnéise agus a gcuid táirgí ilmheáin a mhalartú agus a roinnt, ag comhoibriú le piaraí, le saineolaithe agus le húsáideoirí deiridh. *B'fhéidir go gcuimseodh sé seo comhobair a dhéanamh ar scannán nó ar bheochan le piaraí, mar shampla é a roinnt i bhfóram díospóireachta agus ag ligean do rannpháirtithe gnéithe comhoibríocha atá ar fáil sna bogearraí a úsáid le tráchtanna agus cosaintí ardchaighdeán a chur isteach. (Malartú)*



- Cosaint a thabhairt ar na bogearraí feidhme a roghnaigh siad leis an tasc a chomhlánú, na malairtí ar smaoinigh siad orthu agus an próiseas a rinne siad agus an táirge íomhá ghluaiste nó beochana á tháirgeadh. An dóigh a gcomhlíonann a dtáirge íomhá ghluaiste nó beochan riachtanais an spriocghrúpa agus an chuspóra atá sainithe a chosaint. *B'fhéidir go gcuimseodh sé seo an próiseas forbartha a shainaithint agus cur síos a dhéanamh air, agus na heochairphointí a shainaithint mar a ndearna siad breithiúnais fiúntais a chuir feabhas ar an leagan deiridh den íomhá nó den táirge. (Luacháil)*
- A gcuid oibre íomhá ghluaiste beochana a eagrú, a stóráil, agus a chothabháil i spás pearsantaithe le sárthaispeántas a dhéanamh den fhoghlaim dhigiteach trasna an churaclaim. (Taispeáint)

## Leibhéal 7

De ghnáth, ba cheart go léireodh daltaí fianaise go bhfuil siad ábalta:

- Acmhainní as réimse d'fhoinsí digiteacha, a aimsíodh agus a cruthaíodh, a roghnú, agus a luacháil, agus taighde a dhéanamh orthu agus idirdhealú a dhéanamh eatarthu maidir le hábharthacht, iontaofacht agus beachtas agus cosaint a thabhairt ar a bhfoinsí agus tagairt a dhéanamh dóibh. Na gnéithe is cuí le húsáid a roghnú agus a chosaint le freastal ar riachtanais an úsáideora deiridh mar atá sainmhínithe i mionteagasc an taisc agus bheith ag obair idir feidhmchláir bhogearraí éagsúla le tionscadal iomlán a chur i gcríoch. *B'fhéidir go gcuimseodh sé seo taighde ar ghearrthóga scannáin, beochaintí agus sócmhainní eile agus iad a roghnú agus réimse maisíochtaí a thriail go córasach, ag socrú ar an cheann is chuí le freastal ar ionchais an spriocghrúpa, ag úsáid timthriall forbartha lena bhfréamhshamhail léirithe a thástáil agus a choigeartú go rialta agus cosaint a dhéanamh ar a roghanna agus a mbreithiúnais bunaithe ar a n-intinní tosaigh, ar ghrúpdhíospóireachtaí agus ar aiseolais ó úsáideoirí deiridh. (Fiosrú)*
- Riachtanais úsáideora atá sainmhínithe go soiléir a leagan amach agus léiriú úrnua il-leathanach atá oiriúnach don spriocghrúpa agus don chuspóir a phleanáil, a fhorbairt agus a thástáil, ina bhfuil réimse gnéithe agus sócmhainní ardfhorbartha a bhfuil eagarthóireacht chuí déanta orthu. *B'fhéidir go gcuimseodh sé seo siút a phleanáil go córasach, clár scéil agus script scannánaíochta a úsáid, ag léiriú brí an scéil mar a dhéanann siad píosa scannáin a ghabháil agus a chur in eagar ina léirítear feasacht ar luas, rithim agus tempo agus sócmhainní breise a ullmhú le táirge iomlán íomhá ghluaiste nó beochana a tháirgeadh. B'fhéidir go gcuimseodh sé seo fuaim, ceol, guthú, trasdulta agus maisíochtaí, ag baint úsáid chruthaitheach as coinbhinsiúin íomhá ghluaiste le freastal ar riachtanais lucht féachana ar leith agus feidhm. (Cur in iúl)*
- Tairbhe a bhaint as modhanna comhaimseartha cumarsáide lena smaointe forbartha agus a bhfaisnéis a mhalartú, a roinnt agus comhoibriú a dhéanamh orthu le piaraí, le saineolaithe agus le húsáideoirí deiridh, ag cur le timpeallacht dhomhanda chomhoibríoch. *B'fhéidir go gcuimseodh sé seo an scannán nó an beochan a uaslódáil chuig blag le haiseolas a bhailiú ó phiaraí, ó shaineolaithe agus ó úsáideoirí deiridh, agus gníomhú dá réir ar dhóigh thuisceanach le cáilíocht ard agus le hoiriúnacht an táirge a fheabhsú d'úsáideoir deiridh mar atá sainmhínithe i mionteagasc an taisc. (Malartú)*

# Úsáid TFC

## Gnéithe Inmhianaithe



- Riachtanais an úsáideora agus cuspóir an bhunachair shonraí a shainaithint ag an tús, le tuiscint atá ag méadú, agus athbhreithniú a dhéanamh go córasach ar an táirge íomhá ghluaiste nó beochana deiridh i gcoinne na riachtanas ag deireadh an phróisis, ag sainaithint go soiléir cé acu a comhlíonadh agus cé acu nár comhlíonadh. *B'fhéidir go gcuimseodh sé seo aiseolas a chruinniú ó úsáideoirí deiridh agus beachtú breise a dhéanamh nó moltaí a leagan amach le feabhas d'ardchaighdeán a dhéanamh. (Luacháil)*
- Stór digiteach d'obair atá struchtúraithe go loighciúil a bhainistiú agus a chur i láthair, le sárthaispeántas a dhéanamh den fhoghlaim trasna an churaclaim, agus formáid, iniomparthacht, méid, cóipcheart agus leaganú a chur san áireamh. *B'fhéidir go gcuimseodh sé comhaid a chúltacú chuig áit mhalartach, leaganacha iolracha a bhainistiú agus formáidí agus taifigh chuí a roghnú. (Taispeánt)*

**Ba chóir go léireodh daltaí, ag am agus in áit is cuí, eolas agus tuiscint ar ríomhshábháilteacht, ar a n-áirítear iompraíocht atá inghlactha ar líne.**